

671.1267
078
111

大城縣志

卷之十二

藝文志上

奏疏

撰著

記

大城縣志卷之十二

上

上元趙炳文重修

吳縣徐國楨鑑定

藝文志

文者所以明道經世也志乘所載則以經世之文爲
先首奏疏者陳利弊也次記序者志盛美也次議考
者建宏議也次祭文者昭典禮也次歌詩者觀民風
也彬彬郁郁洵足導揚聖化而宣一邑之徽猷故
志之

奏疏

報河工完竣疏

臣李光地謹題爲恭報工程完竣情形仰祈

睿鑒事切霸保文大一帶沿河水淀州縣地處窪下歷被水患仰蒙

皇恩軫恤修築各處河堤爲民除害

臣

等去年所修子牙

等清河已報完功外今歲承修永定河自郭家務至柳岔口開河築堤七十餘里大城縣西堤椿埽功七十餘里又子牙廣福樓新河接修至賈口等處兩岸堤工五十餘里并雄縣去年水佔民堤未完工程二十餘里於

二月間恭蒙

皇上巡幸訓飭及時興工臣等欽遵親行催督至四月內垂成時又蒙

聖駕周流察視并於永定新河放水暢流臣等復將各堤土工椿埽稍有缺略之處填補豐滿今俱已完工訖又四月二十一日恭逢

皇上視河時特命永定河石堤之下接修椿工一百餘丈及南北岸堤速行動庫補修又修大城南堤并河間獻縣等險工以上工程俱務於發水前先竣臣等欽遵查接石堤椿工原限二十日修完南岸坍塌堤原限十五日北岸限一月內完工今臣等將工料銀兩星夜交分

司責令色圖渾齊蘇勒嚴督興工俱可先限早完又新築大城南堤及河間獻縣等險工臣等已發銀委員及時趲工俱不日即可告竣欽惟

皇上德比神堯勤深大禹念水鄉淀居之民歷被淹溺之苦

特命開河築堤無間寒暑屢煩

車駕臣等欽遵

聖訓各項工程一時並舉仰賴

皇上至誠感格指示精詳清渾等河土工樁工共數百里先後告竣現今沿河各州縣田土涸出二麥豐收土民

謳歌

聖澤眞同覆載除此後保守之法另疏恭請

訓旨並堤岸道里用過工程物料錢糧俱俟查明另行報
銷外謹將完工情形特疏奏報謹題

漳水源流奏疏

康熙四十年

安溪人任大學士

李光地

厚菴

一漳河卽禹貢所謂洺水也性湍悍不亞黃河其源有二

一出山西樂平縣少山名清漳一出長子縣鳩山名濁

漳二漳異源而下流相合有合漳口在林縣境內東至

磁州虞讓村自豐樂鎮而東至臨漳之西北流入成安

之西南入直隸界

二漳河入直隸境現在分爲四支一支自直隸大名府之魏縣元城縣流至山東館陶縣地方歸衛入運一支由直隸廣平縣至山東邱縣地方復分爲二其一俗呼老漳河自邱縣東北分流經直隸之威縣南宮棗強景州武邑阜城交河等地至青縣杜林鎮與完固口支流合至鮑家觜歸運又其一俗呼小漳河亦自邱縣西北分流經直隸之鉅鹿廣宗平鄉至甯晉與滏河會又經東鹿冀州與滹沱河會由衡水至獻縣完固口復分爲二支一支名單家橋河自完固口流至青縣會老漳河至鮑家觜歸運一支名臧家橋河經河間大城爲子牙河

出王家口歸淀查漳河現在末流所分四支三支歸運
一支歸淀

三先因臧家橋一道水勢深廣湍悍而河間獻縣上流之
堤岸不修大城靜海下流堤岸久壞故夏秋之間水發
淹漫不獨四縣之民田受害而水勢所注青縣文安霸
州保定各州縣俱一片汪洋人民失業己卯春

聖駕南巡因大城靜海二邑士民迎

駕陳奏乃指授方略命撫臣將靜海大城獻縣河間一帶
堤岸盡行修築蓋西堤以護河獻文大霸保六州縣田
廬而東堤以拯靜海青縣兩處淹沒又恐兩岸對迫必

有一傷復命於東子牙堤上游廣福樓地方開河一道
分水入淀由是水勢暢流兩岸完固五六年間八州縣
田土盡涸收成豐倍歌詠

聖恩出昏墊而登衽席矣

四至康熙四十年又欽奉

上諭漳河現在分流須令永久分流纔好若並而歸運則
於漕道有妨并歸子牙河則民田受害爾等再往詳看
來奏欽此遵奉

諭旨巡看河源至臨漳縣十一月在玉泉山摺子啟奏查
漳河現在三支歸運一支歸淀然歸運之三支水勢頗

弱歸淀一支水勢獨強約其水勢三支之水僅可以敵
一支是則此時漳水一半歸運一半歸淀運道旣無難
受之虞子牙河亦得分殺之勢誠有如 聖諭所云者
然歸淀一支強而深通入運三支弱而淤淺臣等議得
所經由各地方應令官每年於水未發時分段挑濬臣
等按季察視務令此三支疏通無滯以殺小漳河之勢
如遇水勢大時仍用挑水壩等法逼水分流庶幾北不
致挾滯沱以侵田南不致合衛河以害運仰乞

皇上訓誨指示遵行奉

旨知道了

敬陳水利疏

怡賢親王

欽惟我

皇上宵旰勤勞無刻不以民依爲念茲因直隸偶被水澇
截漕發倉多方軫恤被水窮民旣皆得所猶

命

臣

等查勘各處情形興修水利務祈一勞永逸所以爲

民生計者至矣盡矣

臣

等雖才識淺陋敢不殫心竭力

以求仰副

聖懷自出

京至天津厯河間保定順天所屬州縣所至

相度高下原委並諮訪地方耆老所有各處情形大略

謹爲我

皇上陳之竊直隸之水總會於天津以達於海其經流有三自北來者爲白河自南來者爲衛河而淀池之水貫乎白衛二河之間是爲淀河白衛爲漕艘通達之要津額設夫役錢糧責成河官分段歲修而統轄於河道直隸總督邇年以來白河安瀾無汎溢之患惟飭河道官員加謹防護可保無虞衛河發源河南之輝縣至山東臨清州與汶河合流東下河身陡峻勢如建瓴德棣滄景以下春多淺阻一遇伏秋暴漲不免沖潰泛溢查滄州之南有磚河青縣之南有興濟河乃昔年分減衛水之故道也今河形宛然閘石俱存應請照舊疏通於往

時建閘之處築減水壩以洩衛河之漲又靜海縣之權家口潰堤數丈中溜成溝直接寬河東趨白塘口入海河亦應就現在河形逐段開疏於決口築壩減水均於運河有益白塘口入海之處舊有石閘二座磚河興濟二河之委應開直河一道歸併白塘出口澇則設閘放水不惟可殺運河之漲而河東一帶積澇亦得藉以消洩且海潮自閘內逆流遇天時亢旱則引流灌溉灌漑通而水利溥滄青靜海天津數百里斥鹵之地盡爲膏腴之壤矣至沿河一帶堤工大半低薄應飭及時修築高厚仍令總督將玩忽河官參處以警將來此治衛河

之大略也至東西二淀跨雄霸等十餘州縣廣袤百餘里畿內六十餘河之水會於西淀經霸州之苑家口會同河合子牙永定二河之水匯爲東淀蓋羣水之所潴蓄也數年以來各淀大半淤塞惟憑淀河數道通流不惟淀河旁溢爲災凡上流諸水之入淀者皆沖突奔騰澎湃無際總緣東淀逼窄不能容納之故也故治直隸之水必自淀始凡古淀之尙能存水者均應疏濬深廣併多開引河使淀淀相通其已淤爲田疇者四面開渠中穿溝洫洫達於渠渠達於河河達於淀而以現在淀內河身疏濬通暢爲衆流之綱經緯條貫脈絡交通

瀉而不竭蓄而不盈而後汙田種稻旱澇有備魚鰲蜃
蛤萑蒲之生息日滋小民享淀池之利自必隨時經理
不煩官吏之督責而淀可常治矣迺淀舊有隄岸加修
高厚無隄之處量度修築其趙北苑家二口爲東西二
淀咽喉趙北口隄長七里現在板石橋共入座俱應升
高加濶并於易陽橋之南添設本橋一座隄身加高五
六尺橋空各浚深丈餘每橋之下順水開河直貫柴伙
淀而東苑家口之北新開中亭河近復淤塞應疏濬深
廣其上流玉帶河對岸爲十望河舊道應自張清口開
通由老隄頭入中亭河會蘇橋三岔河達於東淀庶咽

喉之梗尾閭得舒可無沖溢之患矣子牙永定二河以淀爲壑淀廓而河有歸亦必河治而後淀不壅此治二河之法所當熟計者也子牙河爲滹漳下流清濁二漳發源山西至武安交漳口會流經廣平正定而滹沱滏陽大陸之水會焉蔡沈禹貢註云唐人言漳水獨自達海請以爲瀆可知天津歸海之水以子牙爲正流其餘諸水皆附之以達於海者也夫以奔騰注海之勢遮之以數百里紆迴曲折之隄河身於墊高於平地兩岸相距不過數丈舊時支港岔流一概填塞欲其不沖不泛安可得乎考任邱舊志子牙下流有清河夾河月河皆

分子牙之流同趨於淀今宜尋求故道開決分注以緩
奔放之勢按永定河俗名運河其源本不甚大所以遷
徙無定者緣水濁泥多河底逐年淤高久之洪濤壅滯
必決向窪下之地其流既改故道遂堙蓋水性就下無
定者正其所以有定者也今應於每年水退之後挖去
淤泥俾現在河之形不致淤高庶保將來不復遷徙二
河出口俱在東淀之西淀之淤塞實由於此臣等面奉
上諭令引渾河以由此故道此

聖謨遠照經久無弊之至計也今應自柳岔口引渾河稍
北達王慶坨之東北入淀子牙河現由王家口分爲二